


推拿廣意

上



秘傳育嬰要法

楚清江陳紫山重訂

小兒推拿

澹雅局藏版



南京中医药大学图书馆版权所有
南京中医药大学 1951

推拿廣意序

蓋古人往往以醫道喻用兵謂兵以審虛實而脈以察陰陽其間因時制用憑乎一心武穆云神而明之存乎其人洵不誣也至于小兒則又微乎其術者旣無聲色貨利之鬱于中又無勞苦饑渴之積于外而且口不能言脉無從測使非有獨得之秘

審色觀形以流通其血氣調和其動靜則
雖愛同珍寶未有克自遂其長成者則調
治小兒一道豈不最微且難哉且天之生
物栽者培之則在小兒正萌芽生發之時
也培之又安可不亟亟歟康誥曰如保赤
子是嬰兒之撫育古人亦競競乎其慎之
矣余留心於此偶得一編乃推拿之法誠

治小兒金丹苦無高明討論藏之有年丙
辰歲余仗策軍前親民青邑去浙東開府
陳公之轍僅百里許 陳公神于用兵已
聲播寰區而又善于此術余得且夕請正
以竊慶焉然醫以喻兵此其徵也 陳公
素性沈愛每以保赤爲懷不爲自私付之
剗刷而名曰推拿廣意是欲公之天下後

世也然聖人大道爲心必曰老者安之朋
友信之少者懷之則此舉非卽少懷之良
法也歟誠可爲援嬰保赤之鎰鑑云爾

西蜀後學熊應雄運英謹識

推拿筋意目錄

上卷

總論

指南賦

入門察色

五視法

正面諸穴圖

背面穴圖

面上諸穴歌

小兒無惠歌

調護歌

入門候歌

入門試法

虎口三關圖

四十八脉圖解

詳解脈紋

辨色歌

五指冷熱歌

審候歌

脈法歌

聞小兒聲音

辨小兒五音

陽掌圖

陽掌十八穴療病訣

陰掌圖

陰掌九穴療病訣

臂上五穴療病訣

足部圖

足部十三穴療病訣

正形圖

背形圖

推法

拿法

又拿法

看額脉

推拿手部次第

推拿面部次第

正面五色圖



南京中医药大学图书馆版权所有
1951

推坎宮圖

推攢竹圖

運太陽圖

運耳背骨圖

雙鳳展翅圖

推虎口三閔圖

男推左手三閔圖

女推右手三閔圖

運八卦圖

運八卦法

分陰陽圖

分陰陽法

推五經圖

推五經法

黃蜂入洞圖

黃蜂入洞法

蒼龍擺尾圖

蒼龍擺尾法

二龍戲珠圖

二龍戲珠法

赤鳳搖頭圖

赤鳳搖頭法

猿猴摘果圖

猿猴摘果法

鳳凰展翅圖

鳳凰展翅法

飛經走氣圖

飛經走氣法

按弦搓摩圖

按弦搓摩法

水裡撈明月圖

水裡撈明月法

打馬過天河圖

打馬過天河法

臘臍歌

胎毒

中卷

驚風

諸熱

嘔吐

腹痛

瘡疾

積症

癰症

腫脹

雜症

小兒壞症一十五候

斷面色惡症死候

雜症推拿大法

傷寒

泄瀉

痢疾

瘡疾

痞症

咳嗽

目疾

下卷



南京中医药大学图书馆版权所有
gook.com

初生三方

胎毒門七方

諸熱門三十三方

傷寒門十四方

嘔吐門八方

泄瀉門十五方

腹痛門九方

痢疾門七方

瘧疾門八方

疳疾門八方

痞積門六方

癰症門六方

咳嗽門七方

腫脹門五方

雜症門二十八方

推拿慶意目錄終



南京中医药大学图书馆版权所有
南京中医药大学图书馆版权所用

推拿廣意卷之上

仁和王元璐爾調參閱

楚清江陳世凱紫山重訂

東川熊應雄運英公輯

梓州趙鳳鳴岐全較

總論

夫人之藉以爲生者陰陽二氣也陰陽順行所則消長自然
神清氣爽陰陽逆行則往來失序百病生焉而襁褓童稚尤
難調攝蓋其餓飽寒熱不能自知全恃慈母爲之鞠育苟或
乳食不節調理失常致成寒熱顛倒昏沉旣已受病而爲父
母者不思所以得病之由却病之理乃反疑鬼疑神師巫祈

禱此義理之甚謬者矣幸仙師深憫赤子之夭折多緣調御
之未良醫治之無術秘授是書神功莫測沉離浮坎而使火
火既濟鴻寶補虛而使五行無尅誠育嬰之秘旨保赤之安
功也乃有迂視斯術以爲鮮當譬如急慢驚風牙關緊閉雖
有丹藥無可如何先視其病之所在徐徐推醒然後進藥不
致小兒受苦則推拿一道眞能操造化奪天功矣豈不神歟

然治當分六陰六陽男左女右外呼內應三關取熱六腑取
涼男子推上三關爲熱爲補退下六腑爲涼爲瀉女子推下
三關爲涼推上六腑爲熱爲補退下六腑爲涼爲瀉女子推下
沈迷霍亂口眼歪斜手足掣跳京風嘔吐種種離症要而言

之止有四症四症分爲八候八候變爲二十四驚陽掌十八穴陰掌九穴筋看三關功效十二驚有緩急生死之症法有推拿做之功先須尋筋推察次用燈火按穴而行審病針灸對症投湯無不隨手而應毋徧已見毋作聰明因症第第分別而施此爲不傳之秘訣也留心救世者曷慎勉旃

指南賦

保嬰一術號曰啞科口不能言脉無可視惟形色以爲憑竭心思而施治故業擅於專門以補化工不及欲知其病必觀乎色左損青龍屬肝右頰白虎屬肺天庭高而離陽心火地閣低而坎陰腎水鼻在面中脾應唇際觀乎色之所見知其

病之所起舌乃心之苗目爲肝之液胃流注于兩頤腎通竅
于兩耳爪則筋餘而脾爲之運髮乃血餘而腎爲之主脾司
手足腎運牙齒苟本臟之或衰卽所屬之失憊能觀乎外可
知其內紅光見而熱痰壅盛青色露而京癟怔悸如煤之黑
兮中惡傳逆似橘之黃分脾傷吐痢白乃疳勞紫爲熱熾青
遮口角難醫黑掩太陽莫治年壽赤光多生膿血山根青黑
頻見災危朱雀貫於雙瞳火入水鄉青龍遶於四曰肝乘脾
部瀉痢而面赤者須防咳嗽而色青者可畏面青而唇口撮
疼痛方殷面赤而目竄視驚搐將至火光焰焰外感風寒金
氣浮上中藏積滯乍白乍黃疳熱連綿又赤又青風邪緊急

少乏兮顙陷珠坑血衰兮頭毛作總脾冷則口角流涎肝脾
則目生眵淚面目虛浮定腹脹而氣喘眉毛頻蹙必腹痛而
多啼風氣二池如黃土則爲不宜左右兩頰似青黛卽成客
忤風門黑主痴而青主驚方廣昏暗齒而光滑吉手如數物
兮肝風將發面若塗硃兮心火實炎伸縮就冷陽熱無疑坐
臥愛煖陰寒可必肚大脚細脾欲困而成疳目瞪口張勢已
危而必斃察之若精必必得理鴉聲魚口枉費神思肉脫皮
乾神勞氣乏蛔出兮脾胃皆敗唇冷兮臟肺先虧然五體以
頭爲尊一面惟神可恃況乎聲有輕重之不同啼有乾濕之
頓異病之初作必先呵欠火之將發忽作驚啼重舌木舌熱